



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 33. Nicolaus Durandus Provincialium primus in Guiraniam penetrat.

urn:nbn:de:hbz:466:1-38528

Occidentalis Indiæ generalis, concedere solet & potest. Atque ut hæc omnia vim ex juris ordine haberent, Joannes-Baptista Ferrufinus Collegii Rector, Provincialis potestate instructus, concessa coram testibus acceptavit. Præterea Prætor ex publico æratio campanas, instrumenta Sacrorum, & alia Sociorum levamenta magno ære coëmpta Rocho tradidit. Et quia cognorat præter duo oppida ad Urvaicam fundata, alia statim fundari posse, si copia Sociorum sufficeret, ab Rectore Collegii impetravit Michaëlem Ampuerum, nostræ Societatis Sacerdotem, cum Gonsalviō mitti, litterasque ad Regem Catholicum cum egregia Societatis commendatione exaravit, postulans sumptibus Regis triginta Jesu Socios ad Urvaicensis Provinciae culturam transmitti: quæ litteræ Madritum delatae magnum pondus habuere ad subsidiarios Socios impetrando, quos Gaspat Sobrinus Procurator biennio post in Paraquariam invexit. Didacus Vega, dives Lusitanus, ad sacras vestes & Altarium velamenta in novis oppidis conficienda multa gratis obtulit, spoponditque ad conciliandos Ethnicorum animos, ferramenta se ex Europa procuraturum: quod magni novarum Ecclesiæ emolumenito abundè præstít. Decem diebus tantis rebus perfectis, Rochus Gonsalvius, Socio auctus, eò unde venerat per eadem pericula renavigavit: exploratisque iterum Urvaicæ littoribus, reperit per centum ab portu Boni-æris leucas spem exiguum fundandorum oppidorum esse, quod accolæ ex his populis essent, qui pro libitu totâ vitâ vagantes fementem facere, & pedem uno in loco figere, recusarent. Post id spatium, Japeivenses animavit ad oppidum condendum. Viginti ab eo loco leucis Jaguaraïtenses ad id præstandum pellexit. Quod quando & quomodo factum sit, brevi nafrabimus. His peractis, resumpto itinere, tandem incolumis ad Concepcionis oppidum, lœta faustæ negotiationis narratione Socios exhilaraturus, pervenit.

CAPUT
XXXII.
Nicolaus
Durandus
Provincialis
primus
in Guairaniam
penetrat.

Japeivenses
& Jaguaraïtenses
Religioni
conceduntur.

Paranae op-
pida inspicit.

Præcipiti
Guairanicæ
descriptio.

Hoc Urvaicensis Provinciae statu, Nicolaus Durandus, abdicata Chilensi regni curâ, de inspicienda per se Guairania, quam nullus haðenùs Provincialis lustraverat, seriò actitavit. Duo esse poterant è Tucumania in Guairaniam itinera: unum à multis jam retrò annis usurpatum, quo nempe adverso flumine Argenteo Paraquarioque, & deinde terrestri viâ ibatur; sed illud erat valde circumflexum, & pænè quingentarum leucarum, obsidebaturque à Paiaguis, Barbarorum crudelissimis, ac multiplici viatorum trucidatione infamibus. Alterum iter esse poterat longè brevius, continuatâ scilicet navigatione per Paranam: quod iter ante fundata ab Sociis oppida, ob merum Ethnicorum, & præcipitum ingens totum Paranam circa Guairaniæ fines intersecans, nondum tentatum fuerat. Sed jam plerisque rebellibus ad oppida reductis, Provincialis per hoc iter pergere se posse speravit. Antonius itaque Ruisius, cognitâ Provincialis voluntate, novi itineris exploratores unum post alium mitit, quorum ultimus in Tucumaniam penetrans Provinciale docuit, exigo periculo Guairaniam, non interruptâ per Paranam navigatione, aditi posse. Igitur Provincialis è Cordubensi urbe illâc se dat in viam. Superatis sexaginta leucis Sanctæ Fidei Collegium inspexit, unde solvens fluviatili itinere, centum & quinquaginta leucis feliciter confessis, Itapuanum oppidum, & quindecim aliis emensis, Corporis Christi reductionem tenuit. Trigesimo inde lapide ad recentissimam M A R I A Majoris coloniam, bis mille capitibus constantem, pervenit. Ibi eum convenit Rochus Gonsalvius, ex quo cùm cognovisset quid cum fluminis Argentei Prætore & in exploratione Urvaicæ egisset, immenso gaudio cumulatus est. Continuatâ navigatione in Acaraensi oppido reperit Antonium Ruisum, Guairaniæ missioni præfectum, cum centum Neophytis gratulandi & deducendi ergo ob viam totidem leucis progressum: in cuius comitatu versus Guairaniæ præcipitum, quadraginta circiter leucis distans, iter arripiuit: præcipitio appropinquans defluentis aquæ vim experiri coepit, navigio, quo vehebatur, magna ex parte confracto, & altero, quo Martinus Marinus & Mendiola Sacerdotes nostri in Guairaniæ subdium euntes portabantur, vectioribus incolumibus, ad rupem alliso. Igitur terrestre iter omnes arripiunt. Antonius Ruisius in præruptis præcipiti locis pontes lustraverat, viamque per sylvarum invia aperuerat: sapientem

extemporalis

extemporali labore ligna incompositè de rupe in rupem ordinabantur, supra quæ gradientes summum viræ periculum, si caduco pede in profundissimos torrentium hiatus laberentur, adibant. Narrabat Provincialis post transitum, perspecto clarius periculo, ut qualecumque temeritatis crimen, Sacramentali Confessione audaciam suam expiisse. Præcipitum hoc multarum fabularum, quibus non immoror, argumentum fuit. Cerrum est multis vi aquarum delabentium in scopulos actos vitam amississe: nec scio urrum in eo genere in orbe terrarum mirabilius quid existat. Profectò nihil est in America, quod sui vel timorem, vel famam majorem excitet. Nam paulò suprà præcipitiū Parana fluvius duas leucas latus, ita se paulatim stringit, ut jactu lapidis utrumque littus committi posse videatur: ubi se sic strinxit, vehementissimo impetu ex altissima crepidine duodecim leucarum descensu se præcipitat, declivi alveo horribiles rupium figuræ complectens, à quibus aquæ passim reverberant in eximiam altitudinem resilunt. Multis in locis ob immensorum saxonum occursum alveus interpolatur. At ubi dispensatæ aquæ rursus coëunt, stupehdos vortices efficiunt. Alibi etiam desilentes undæ, in ipsis rupes impetu factæ, peroccultos meatus aspectui se subducunt, diuque abditæ, penetratis rupibus, inferiori parte rursus erumpentes, tanquæ ex ingentibus scaturiginibus magno fragore prosilunt. Denique tanta est aquarum illo alvei decursu se præcipitantium violentia, ut toto illo duodecim leucarum declivi spatio, continens spuma ferruginei coloris cernatur, quæ Solis radiis repercutta intuentium aciem suo fulgore perstringit. Aquarum delabentium & ad saxa collidentium murmur, quatuor facilè leucarum intervallo percipitur. Juxta præcipitiū radices aqua in æquiore solo videtur velle conquiscere, & quasi æquore facto stagni potius quam præcipitis fluminis speciem præbere. Sed maligna malacia est, nam singulis pænè horis, occultis causis, drepente ex imo ingens murmur exoritur, aquis ad multorum cubitorum altitudinem resilientibus, perpetuoque docentibus non fidendum fucata paci, ingentes subinde motus cum malorum pernicie excitanti. Pisces illic enormis magnitudinis cernuntur: Antonius Ruisius bovi æqualem vidisse se medio corpore flumini innatantem asserit. Ab hujusmodi pisce Indum suisse devoratum, ac postea integrum in littus ejectum, pro re comperta narrant. Sex omnino dies incredibili membrorum defatigatione in montis ascensu posuere; nam quamvis via, si recta duceret, duodecim tantum leucarum sit, ramen ob varios flexus pænè duplicanda est. Præterea incedendum per littus saxis asperum & præruptum, lacubus, torrentibus, nemoribus, & ardentibus arenis interpolatum. Nec alia Orbis plaga ardore Solis magis æstuaret, nisi per intervalla occurrentes sylvæ umbram præberent: quamquam inter sylvas ipsa arborum densitas, eventilari aërem non sinens, viatorum corpora immensum fatigant. Ubi pernoctandum erat, Indi tuguriolum exstrebant, arborum frondibus ordinatim compositis, tecti ac parietum vicem obeuntibus, quæ radicibus, funium loco, inter senexæ, pluviaæ arcendæ sufficiebant.

SUPERATO præcipitio, Petrus Spinosa Socius sexaginta & amplius leucis nati vigila ex interiori Guairaniâ advehens, Provinciali tempori occurrit, & ascensu fatigatum cum Sociis, lautâ ex regionis fructibus exstructâ supra littorale gramen mensâ, recreavit; adeò ut hic occursus in summitate præcipitiū speciem quamdam referret corum, qui ad arduum virtutum apicem magno nisu confidentes, dulces exanthlati laboris fructus percipiunt. Duabus à præcipitio leucis urbis Regalis priuiores, honoris ergo, Provinciali obviā processere, ideo ejus adventum majori plausu celebrantes, quod haec tenus nullus Episcopus, nullus Prator, nec Provincialis in Guairaniam aliquando venisset. Ab iis in templum, & mox in adornatam domum deductus, inter alia propensa voluntatis indicia, postulavere, ut Societas Collegium ibi constitueretur. Sed, quod exiguo essent numero, negato Collegiq, ipopondit Provincialis designaturum se Socios, qui frequenter urbem excolarent, & curaturum se, ut Indi nostræ curæ subjecti, ex Regis Catholici præscripto, designatis temporibus accuratè ad bimestria servitia mitterentur: extra ea tempora non permisurum gentem miserrimam & indefensam injustis oneribus vexari.

Maligna
malacia.

CAPUT
XXXIII.
Nicolaus
Durandus
Guairaniâ
lustrat.

Urbi Regalis
Societatu do-
mum petit.

Non impes-
trat.